



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente
XI. editas

Luxemburgi, 1739

CXX. Derogatio alternativæ regiminis inter Abbates, & Monachos
Congretat. Olivetanæ.

[urn:nbn:de:hbz:466:1-74715](https://nbn-resolving.org/urn:nbn:de:hbz:466:1-74715)

CXX.

Conceditur Derogatio Constitutionum Clem. X. quoad alternativam regiminis Abbatiarum inter Abbates, & Monachos Congregationis Montis Oliveti.

Laudatae Constitutiones editae fuere 1671. Feb. 27. & Jun. 21. de forma eligendi Abbatem Gen. vide Const. ed. 1707. Jan. 28. P. 7. Et Bened. XIII. Const. ed. 1729. Dec. 6. P. 6. agitur de Abbatibus Titularibus.

Dat. 12. Apr.
1713. An. 13.

C L E M E N S P A P A X I .

Ad futuram rei memoriam.

Epitome prioris Constitutionis, qua concessa fuit facultas creandi 12. Abbates Titulares, juxta praescriptas condiciones.

Alias felic. record. Clemens Papa X. Praeceptor Noster supplicationibus tunc existentis Procuratoris Generalis Congregationis Montis Oliveti Ordinis Sancti Benedicti nomine sibi de consilio, & assensu bo. mem. Caesaris S. R. E. Cardinalis Facchenetti nuncupati, dum vixit, ejusdem Congregationis apud dictum Clementem Praedecessorem, & Sedem Apostolicam Protectoris super hoc humiliter porrectis inclinatus, tunc, & pro tempore existenti Abbati Generali memoratae Congregationis, una cum diffinitorio ipsius Congregationis duodecim Abbates titulares, nempe duos pro quolibet Provincia ejusdem Congregationis, qui tamen essent aetate quinquagenarii, & saltem viginti annorum spatio lecturam, aut Verbi Dei praedicationem, vel Vicarii, aut Magistri Novitiorum, aut Oeconomica Officia exercendo, Congregationi praedictae laudabiliter interservissent, ita tamen, ut ejusmodi Abbates titulares, nec gubernium Monasteriorum, nec votum, sive suffragium in Capitulis generalibus, nec ullam aliam praerogativam, vel exemptionem, quae Monasteriis onerosa esset, praetendere valerent, sed in Ecclesia saltem diebus festivi Missae Conventuali, & Vesperis, ac diebus singulis mane Orationi mentali interesse tenerentur, auctoritate sua Apostolica creandi, ac in defunctorum pro tempore locum alios ex eadem Provincia usque ad complementum numeri duodenarii hujusmodi, & non ultra subrogandi plenam, & amplam facultatem tribuit, & impertitus fuit; Et quia nonnumquam accidebat, ut aliquis Abbas Regiminis dictae Congregationis, vel proprii levamenti studio, vel alterius Monachi merito gratificandi ergo regimen, sive gubernium Monasterii sibi commissi alternis vicibus cum illo agere esset contentus, permisit memorato Abbati Generali una cum diffinitorio praedicto ejusmodi alternationes acceptare, & ad usum deducere, dummodo tamen Abbas ad id sponte consentiret, ac in Monacho concurrerent qualitates ad Abbatiam juxta praescriptum Constitutionum dictae Congregationis necessariae, & non aliter; Porro voluit, ut unus tantum eorum, nempe ille, qui Monasterium actu gubernaret, votum, sive suffragium in Capitulo Generali Congregationis praedictae haberet, vacans autem a gubernio in alterius gubernantis Monasterio degeret, nec plus praetendere posset quam Monachus ordinarius praeter titulum Abbatis, & uno illorum defuncto, alter solus remaneret Abbas regiminis quamdiu viveret, vel donec renunciaret; Et subinde porrectis sibi denuo pro parte dicti Procuratoris Generalis supplicationibus benigne annuens, quod illi Monachi, ad quorum favorem fierent renunciationes, sive alternationes hujusmodi quadraginta annis majores, nec Abbatum eisdem alternationes facientium, in primo, vel secundo gradu consanguinei esse, sed in Monasteriis, in quibus saltem viginti Monachi residerent, Officiales fuisse deberent, nec ejusmodi renunciationes, sive alternationes ab illis Abbatibus qui ef-

sent actu Visitatores, neque in praedictum Officialium actualium, aut eorum, qui fuissent Officialia Monasterii Montis Oliveti majoris dictae Congregationis, ceteris paribus fieri possent, dicta auctoritate statuit, & ordinavit, & alias, prout in binis ejusdem Clementis Praedecessoris in forma Brevis die 27. Februarii, & die 21. Junii 1671. respective emanatis Literis, quarum tenores praesentibus pro plene, & sufficienter expressis, ac de verbo ad verbum insertis haberi volumus, uberius continetur.

§. 1. Cum autem, sicut dilecti Filii moderatus Abbas Generalis, & diffinitores memoratae Congregationis Nobis nuper exponi fecerunt, progressu temporis experientia compertum sit, numerum Abbatum alternationes hujusmodi facientium Monasteriis cum detrimento disciplinae, & observantiae Regularis valde onerosum existere, & propterea ipsi Exponentes, quo de cetero ejusmodi guberniorum alternationes prohibita, & interdicta remaneant praedictis Clementis Praedecessoris Literis hac in parte, ita ut in alia, quae collationem Abbatiarum titularium benemeritis in eadem Congregatione faciendam concernit, in suo robore, & firmitate persistant, per nos derogari plurimum desiderant: Nobis propterea humiliter supplicari fecerunt, ut in praemissis opportune providere, & ut infra indulgere de benignitate Apostolica dignemur.

§. 2. Nos igitur ipsos Exponentes specialibus favoribus, & gratis prosequi volentes, & eorum singulares personas a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis a Jure, vel ab homine quavis occasione, vel causa latis, si quibus quomodolibet innodatae existunt, ad effectum praesentium dumtaxat consequendum, haram serie absolventes, & absolutas fore censentes, hujusmodi supplicationibus inclinari, de Venerabilium Fratrum Nostrorum ejusdem S. R. E. Cardinalium negotiis, & consultationibus Episcoporum, & Regularium praepositorum consilio, & attenta relatione dilecti Filii nostri Joannis Baptistae praedictae S. R. E. Cardinalis Spinulae Nuncupati, ejusdem Congregationis apud Nos, & Sedem Apostolicam Protectoris super praemissis eidem Cardinalibus facta, petitam derogationem primodictarum Literarum hujusmodi in ea parte dumtaxat, quae alternativam respicit, dicta auctoritate tenore praesentium concedimus; salva tamen semper in praemissis auctoritate Congregationis eorundem Cardinalium.

§. 3. Decernentes ipsas praesentes Literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac ab illis, ad quos spectat, & pro tempore quodcumque spectabit inviolabiliter observari; sicque in praemissis per quoscumque Judices Ordinarios, & delegatos, etiam Caesarum Palatii Apostolici Auditores judicari, & definiri debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 4. Non obstantibus Constitutionibus, & Ordinationibus Apostolicis, nec non omnibus, & singulis illis, quae in Literis praedictis concessa sunt non obstat, ceterisque contrariis quibuscumque.

§. 5. Volumus autem, ut earundem praesentium Literarum transumptis, seu exemplis, etiam impressis, manu alicujus Notarii publici subscriptis, & sigillo personae in Ecclesiastica dignitate constitutae munitis, eadem prorsus fides ubique Locorum tam in Judicio, quam extra illud habeatur, quae haberetur ipsis praesentibus, si forent exhibitae, vel ostensa.

Datum Romae apud Sanctum Petrum sub Anulo Piscatoris die XII. Aprilis MDCCXIII. Pontificatus nostri Anno Decimotertio.

Cause praesentis Constitutionis, & preces Abbatibus Diffinitorii Gen.

Concessio praedictae Derogationis.

Clausula.

Epitome posterioris Constitutionis, qua permixtae fuere alternationes regiminis Abbatiarum inter Abbates & Monachos cum quibusdam conditionibus.